



**Quæstionum Canonicarum, In Quinque Libros  
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

**Schlüter, Georg**

**Augustæ Vindelicorum, 1708**

Articulus IV. Quibus competere possit Jus Patronatus?

---

[urn:nbn:de:hbz:466:1-73045](#)

construatur alia Ecclesia minor, quæ majori, tanquam Matrici, subjecta sit, non solum is, qui Ecclesiam novam construit, aut dotavit, sed etiam Rector Ecclesiae majoris officii, Patronus fit minoris Ecclesiae, seu filialis, si etiam Ecclesia matrix minori suos proventus, quos habuit, reliquit.

<sup>3074</sup> Not. 9. Jus Patronatus, etiam secluso titulo triplici, de quo haec tenus, acquiri posse ex privilegio per Papam concessio, prout colligitur ex c. *Qui res 2. de Reb. Eccles. alienand.* ubi id prohibetur fieri à Principibus Laicis. Nam Ecclesiae imponere servitutem (ut loquitur *Trident. Sess. 25. de Reform. c. 9.*) propriè pertinet ad Pastorem universalem, cui princeps dispositio circa Ecclesias competit; reliquis, juxta concessam facultatem.

Quia tamen per *Concil. Trident. Sess. 25. de Reform. 9.* ejusmodi privilegium sublatum est, censem aliqui, si Pontifex rursum alicui concederet, addendam esse clausulam cum derogatione expressa hujus Decreti Conciliaris. Sed hoc necessarium non est, ut dixi *ib. 1. tit. 2. de constitut.* Cūm in omnibus Décretis, *salvam semper esse Sedis Apostolice Authoritatem*, dicat ipsum Concilium *Sess. 25. c. 21.* ubi Barbo-sa n. 1. cum Gonzalez ad 8. *Regul. Cancelaria Gloss. 6. n. 120.* cum multis aliis tradit, *pro derogatione Decretorum hujus Concilii sufficere clausulam generalem* (non obstantibus constitutionibus Apostolicis) plus affirmat Vivianus *I. 1. c. 8. n. 24.* dicens: *Jus Patronatus ex privilegio Episcopi acquiri posse ab Ecclesiastico; non autem à Laico.* Ex hoc:

<sup>3075</sup> Not. 10. Jus Patronatus Ecclesiae non liberæ, & quæ alias habuit Patronos ab Ecclesiasticis posse acquiri legitimam præscriptione, per tempus immemoriale; vel saltem quadraginta annos, sine titulo, ut not. Castropalaus cit. p. 2. à n. 12. si autem constet, *Ecclesiam esse liberam*, præscriptionem non currere, ita Zoëlius de jure Patron 8. §. Et hac. Laicus autem non potest præscribere jus Patronatus contra Ecclesiam liberam; Ecclesiasticus enim hujus juris per se capax est; ille solum ex Ecclesiae indulto; Vivianus cit. Laicus enim incapax est, sine speciali Ecclesiae indulto, ut jus etiam annexivè sit. Tom. III.

rituale possideat, præscriptio autem sine possessione non procedit.

Not. 11. quod si quis in alieno fundo Ecclesiam, aut invito domino, jus Patronatus non acquiratur domino fundi, sed conductori. Ille tamen, Ecclesiam sic ædificatam, antequam consecrata sit, Conductore inscio, vel invito, propria Authoritate destruere potest. c. 1. & 2. de novi operis nuntiat. Pirhing de Jure Patron. 11. n. 13. Nec obstat, omne, quod in ædificatur, solo cedere, juxta L. adeo 7. §. cùm in suo ff. de acquir. rer. domin. Nam in hoc casu particulari lex illa, ob Religionis favorem locum non habet; sic Canisius in c. quoniam 3. b. t. n. 4.

Not. 12. Similiter dominum feudi possit etiam invito Vasallo, in fundo feudali Ecclesiam construere, cùm eo etiam invito alienare possit; sed eo casu æstimationem fundi præstandam esse Vasallo, vel aliud feendum æquivalens, quod non permisum est Vasallo, c. unic. l. 2. feud. tit. 9. & c. unic. §. habitu tit. 55.

Not. 13. si Patrochus, vel alius Clericus ex fructibus sui beneficii Ecclesiam, vel Capellam ædificet, acquirere quidem in illa Jus Patronatus ad dies vita; Sed post mortem ejus pertinere ad Ecclesiam, consequenter ad eius successorem in illa, si Collegiata non sit; si autem Collegiata sit, ad Collegium c. relatum 12. de Testam.

#### ARTICULUS IV.

Quibus competere possit Jus Patronatus?

A Nte resolut. not. ad questionem, an fundanti, constructi, vel dotanti Ecclesiam, ex debito competat jus Patronatus, prout debitum, excludit concessionem merè beneficium, & gratiosam responderi negative, ut constat ex c. Quoniam 3. b. t. ibi: *in qua eos Ecclesia hucusque sustinuit.* Nam Laici non sunt capaces juris spiritualis, nisi ex concessione Ecclesiae. c. Tua 25. de decimis ibi: *cùm Laicus nulla sit de spiritualibus concedendi, vel disponendi facultas, imperialis concessio, quantumcunque generaliter sit, neminem potest à solutione decimarum eximere, quæ divina constitutione debentur;* ergo dum illud

708 Tract. In Lib. III. Decretal. Quest. XXXVIII.

illud habent Laici, cùm sit jus spirituale, est solum ex concessione, & beneficio Ecclesiae. Et hæc sententia est communis. Unde Fagnanus in c. *Quoniam de Jure Patron.* n. 4 ex fundatione, vel dotatione, inquit, non acquiritur Jus Patronatus *nemo jure*; sed *ex gratia*, & concessione Ecclesie: idem constat ex c. *Siquis Episcorum.* 16. q. 5. ibi: *hec gratia referetur*. Idem docet cum communi Pirhing. b. t. n. 40. dicens: Utrumque enim jus (tam Patronatus, quam Advocatæ) *non ex debito, sed ex gratia* illis ab Ecclesia est concessum, quanvis Patronus *in ipsa fundatione* (non autem post) cum consensu Episcopi (non autem sine illo) possit honestam conditionem apponere, qua sibi aliquid reserveret v.g. aliquam moderatam recognitionem annuam &c. c. *Cum dilectus 8. de Consuet.* Nam Patronus, quidquid juris habet in Ecclesia, totum ex gratia procedit, & de gratia speciali toleratur; sic Fagnanus cit. n. 7. his præmissis, ad quæstionem propositam:

3079 R. Jus Patronatus de gratia Ecclesiæ posse competere tam Clericis, quam Laicis, etiam foeminis, ut colligitur ex c. *Si de concess. præbend.* ibi: *cum dilecta in Christo Filia, Comitissa Flandren. fecerit promissio-*  
nes de non vacantibus beneficiis Ecclesiistarum, *in quibus jus obtinet Patronatus.* Et quamvis in Canonibus (ut notavimus) dicatur in masculino, *si quis* Ecclesiæ fundet, construat, vel dotet, ei concedi Jus Patronatus: hoc tamen vocabulo *si quis*, etiam comprehenditur *si quia*, ut ait Gl. in c. *generali 13. V. universos, de Elect.* in 6. nam Masculinum continet etiam Foeminum juxta Gl. in Clement. 1. V. *homines, de Elect.* nisi subiecta materia aliud suadeat, qualiter sit in feudi, in quibus foeminae sub masculino genere non continentur, propter naturam feudi; quibus positis:

3080 Quæstio est 1. an etiam impuberibus possit competere jus Patronatus? R. quod sic, ita tamen, ut si sint infra 7. annos, eorum nomine præsentet Tutor; si vero sint maiores septennio, sed nondum puberes, similiter præsentet tutor, si tamen pupillus sine Authoritate Tutoris prætentat, præsentatio valet; si autem sit pubes, sed minor, non valet præsentatio Curatoris, sed minoris; ita Pirhing. de Jure Patron. n. 18. Si filius familias

sit Patronus, præsentatio ad ipsum spectat, non ad Patrem; quia in spiritualibus, & quasi, non attenditur patria potestas; sic Garcia p. 5. c. 9. Hinc not. etiam illegitimis, imo & ipuris posse competere Jus Patronatus c. *pia cum seq. c.* filii 16. q. 7. non autem Judæo, aut pagan, seu infidel gl. in c. *Frigentius V. qui Christianis.* 16. q. 7. & patet quia c. *pia, & c. quicunque fidelium* cad. expresſe loquitur de fidelibus, & hominibus Christianis.

Quæstio est 2. an hoc jus competere possit heretico? R. quod non, sic Abbas in c. *Nobis 25. b. t. n. 3.* Hinc, si Patronus in heresim lapsus præsentavit, alia præsentatio fieri debet; si tamen ad fidem reveratur, recuperat Jus Patronatus, nisi per sententiam sit privatus, ac heresim damnatus; tunc enim omnia ejus bona ad Fiscum cadunt V. c. *didictus 24. q. 1.* & gl. in c. *maximum 1. q. 7. V. dignitate.* Si autem Patronus incidat in excommunicationem majorem, per hoc non privatur Jure Patronatus; sed tantum ejus riti, sed intellige, si vitandus sit, non autem si toleratus, & ejus præsentationem velit admittere Episcopus. Hinc præsentatio facta ab excommunicato vitando, invalida est.

Quæstio est 3. an, si Jus Patronatus annexum sit bonis, ab Uxore marito datis in dotem, jus præsentandi pertinet ad Maritum? Negat Azor p. 2. l. 6. c. 21. q. 16. Sed oppositum tenet Layman. l. 4. tr. 2. c. 13. q. 7. n. 18. Zoësius de Jure Patron. n. 36. quia penes maritum non solum sunt fructus, sed etiam dominium rerum dotalium, saltem *civile* l. 9. C. de rei vindic. & L. *cam dotem* 10. C. de jure dotium. Unde, licet dicatur, verum & *naturale* dominium rerum dotalium manere penes Uxorem, ergo etiam Jus Patronatus illis annexum. R. cum universitate bonorum transente in alium, transire etiam accessoriæ Jus Patronatus. Quare dato ante N. cons. quia in dato casu dominium civile rerum dotalium transit in Vi-  
rum, ergo & id, quod eis annexum est.

## ARTICULUS V.

*Ad quid se extendat Jus Patronatus?*

R. Esp. primum, & principalem actum, 3083 ad quem extendit se Jus Patronatus, cur